

EVROPA I BiH OBNAVLJAJU SUDOVE

Sud se sređuje prvi put od 1914. godine!

Šef Delegacije Evropske komisije u BiH Dimitris Kurkulas, predsjednik Vrhovnog sudskeg i tužilačkog vijeća BiH Branko Perić, te premijer Kantona Sarajevo Samir Silajdžić ozvaničili su sinoć početak renoviranja zgrade Kantonalnog i Općinskog suda u Sarajevu.

Silajdžić je zahvalio predstavnicima Evropske komisije i Vladi Norveške koji u ovom projektu učestvuju sa 1,4 miliona eura, odnosno 90.000 eura, čime treba obezbijediti uslove zaposlenima u ovim sudovima da rade u skladu sa evropskim standardima.

On je napomenuo da zgrada nije renovirana od kada je izgrađena 1914. godine, te da Kanton Sarajevo sufinansira projekt u prvoj fazi sa 800.000 KM, dok će za drugu fazu obezbijediti 600.000 KM.

Kurkulas je istakao da je Evropska unija u proteklih deset godina u pravosuđe BiH investirala oko 20 miliona eura. Prema njegovim riječima, parafiranje Sporazuma o stabilizaciji i pridruživanju između BiH i EU bio je važan korak evropskog



Troškove plaćaju EU, Sarajevo i Norveška

procesa za BiH, a efikasno pravosuđe će biti osnova za priključivanje BiH EU.

Radovi na rekonstrukciji zgrade Općinskog i Kantonalnog suda u Sarajevu počće 26. decembra, a rok za završetak radova je 12 mjeseci.

Ceremoniji su prisustvovali i predsjednici Općinskog i Kantonalnog suda Goran Salihović i Bezzada Gavrankapetanović-Salihagić.